



Provìntzia de su Sud Sardigna

## Sa de tres editzionis de su Festival Literàriu Linas 2024

### Avisu

S'amministratzioni Comunali in collaboratzioni cun su Sistema Bibliotecàriu Monti Linas, sa provìntzia de su Sud Sardigna, s'Ufitziu de sa Lìngua Sarda e sa Pro Loco de Gonnos apariciant sa de tres editzionis de su Festival Literàriu Linas.

Custa editzioni puru est pratzida in setzionis diferentis. Una setzioni est dedicada a sa poesia e un'àtera a sa narrativa. Is setzionis funt organizadas in àteras setzionis po is mannus e una po pipius e piciocheddus fintzas a is 16 annus.

Sa setzioni "poesia a sola" est a tema lìberu. Sa poesia podit pertocai sa bidda nostra, sa stòria sua, is acuntessimentus, is personàgius e àteru.

A sa setzioni de poesia podint pigai parti autoris de Gonnos e de àteras biddas puru, cun trabballus non publicaus o giai publicaus.

Sa setzioni de narrativa chi chistionat de Gonnos, pertocat "sa tziviltadi nosta de is massajus" in totu: sa sotziedadi, sa cultura, su pensu, su cumportamentu, sa traditzioni, sa religioni, sa festa, su costummu, is òminis e is fèminas, is pipius, is giòvunus e is bècius, sa vida e sa morti, s'imparu, su trabballu in su sartu, su trabballu in domu, sa domu, sa coxina, su màndigu, is retzetas, sa proprietadi, is giogus, su tempus lìberu, sa costumàntzia, su mundu de sa massaria, su cultivu nostu, e totu s'àteru chi at pertocau sa stòria de una tziviltadi chi si seus scarescendi e chi seus perdendi, ma is valoris suos tocat a ddus arreguai e a ddus fai connosci.

Po sa setzioni narrativa puru s'imbitu est po autoris fèminas e òminis, de Gonnos e de àteras biddas, cun fainas publicadas giai o no ancora publicadas, chi pertochint sa traditzioni e su costummu de Gonnos in sa tziviltadi de sa massaria, impari a su trabballu grai de is bividoris suos.

Is fainas podint essi contus de sa traditzioni a boxi o scriduras noas, fainas de bosàterus o intèndias de àterus, ma chi pertochint sèmpiri acuntessimentus de sa bidde. Custu po non perdi sa memòria, ma cun sa connoscèntzia e sa ligidura de is trabballus, de is poesias e is contus, podeus torrai a biri sa bidde e is acuntessimentus suos.

S'ìmbitu prus mannu est a is autoris pitius, pipius, scientis e picocus, ca su contai e sa fantasia agiudant sa creatividade e sa comunicatzioni.

Po pigai parti a su festival:

- is fainas depint essi scritas cun su computer
- tocat a cumpilai totu sa scheda de partecipatzioni allongiada, cun sa parti anca scriri su resumu de su trabballu
- su trabballu tocat a ddu intregai impari a s'iscritzioni (custu po apariciat su tempus po ònnia autori)
- si podit pigai parti a una sceti o ambaduas is setziones de narrativa e poesia impari
- si podint presentai tres trabballus (3) non de prus. Is trabballus de narrativa non podint essi prus longus de cuàteru (4) pàginas. Is poesias non podint tenni prus de sessanta (60) versus;
- is trabballus si podint presentai in lìngua italiana e in lìngua sarda. Chi funt in sardu tocat a presentai fintzas sa tradutzioni in italianu.

Chi is autoris non tenint 18 annus, in su mollu nci depit essi su permissu de is mammas e is babbus o de is amparadoris.

Is trabballus non depint essi copiaus, ne tenni ofesas o scerai.

Cun sa partecipatzioni a su festival literàriu s'autori permitit sa publicatzioni e sa cumpartzidura de su testu po publicatzionis, fintzas in sa retza, ònnia borta chi su Comune o sa Biblioteca bolit. Su trabballu at a essi a disponimentu de is impitadoris aintru de su Sistema Bibliotecàriu Monti Linas.

Sa propiedade intelletuale de custus trabballus abarrat assegurada, ma s'autori pigat s'impinniu, pighendi parti a su Festival, a non domandai nudda po publicatzionis, de totu o de una parti, fatas de su Comune o de sa Biblioteca.

Is adesiones po pigai parti a su Festival Literàriu e s'intregu de is trabballus tocat a ddus fai intru de su **10 de su mesi de Idas** a sa mail [assessore.mallica@comunedigonnosfanadiga.it](mailto:assessore.mallica@comunedigonnosfanadiga.it) o [sistema.montelinas@tiscali.it](mailto:sistema.montelinas@tiscali.it)

Sa di de su Festival Literàriu est su **20 de su mesi de Idas 2024**.

Su trabballu ddu podit ligi s'autori o un'àteru ligidori.

Si podit presentai su trabballu chena de ligi, o ligi is trabballus de is àterus chena de presentai nudda.

Chi bolit partetzipai podit cuntatai:

Maria Gabriella Mallica, Assessori a is Benis Culturalis

Monia Casti, Consilleri Delegada a sa Cultura

Anna Rita Pala, Sistema Bibliotecàriu Monti Linas

Sandra Cara, Pro Loco de Gonnos

Alice Sardu, Ufitziu de sa Lìngua Sarda

Chi serbit, candu funt lompius totus is trabballus, s'at a fai un'atòbiu cun totus is partecipantis, innantis de sa data de su "Festival Literàriu Linas 2024".

Alliongiada sa scheda de partecipazioni.

Torraus gràtzias po sa collaborazioni.

S'assessori a is Benis Culturalis e a is Bibliotecas

Maria Gabriella Mallica